

myasa calay alang Tayal

maki utux ryax ga mnwah caku mtisan. kyan utux alang ga myasa ci texan. baha mcwa, llingay na alang haca ga cyu langan rrgyax kwara syaw suru alang haca. texan ta ga yani hayi mwasi na nalang mwah mlahang utux alang hani. kura ta gleng alang haca mita ga, cyu kya 'sya cilung, kyan xune nya cyu kmiyak 'cyux. miyuk ta tu' iy alang haca ga, ruyux ci tu'iy nya, slux ru hlabang ci. beh syaw tu' iy nya ga kyan knle seminto na nalang nya, cyu naha ptasan miru llamu na knxan bkis Tayal lela. yani nyu psba lla'i knbahan micu hani, aki naha ba'un maha kenu knxan ku bkis Tayal lela. beh sa'ing syaw na nalang tu' iy ga cyu kya uraw cla'ang ru mayah, cyu naha tmheyung pagay ru rami. san kaca mita kwara alang hani ga mwasi calay texan, ble ci cahuy ksli ta mita utux alang Tayal hani.

miyuk cu cka alang hani lga, maki utux tu' iy 'sya aring yatux ru siy ttu kyahu, utux alang hani yani hay nyu cmka sa'iy alang texan, khani caku tu'iy cahuy alang haca ga, ungat ana utux ayax ru k' man nya, ble' un naha ci sr'eyu ru kmagaw kwara tu' iy alang naha, nanu yaca ini cla texan ku utux alang Tayal hani.

gebu sasan t'aring sppaw kayan lga, utux utux yaya ru krakis, 'ba naha

ga nyu meli maras bintang ru bakit, spunan naha cmi kwara cla lukus utux sali naha, rasun naha mahuw 'sya swito cka alang naha. ruma ga nyu mwah msgus g'nux ru mema r'yas naha, baha mcwa myasa ci 'sya nya cahuy syuto haca, ini naha cla'iy ana cipuy, ba'un ci mita llamu 'cyux nya ru malang nya cyu mlngya tenah cahuy 'sya. nanu yaca ku san maku mita nyu mahuw lukus ru mema r'yas kya kwara c'oli naha ga yani ci bnrwan pntasan biru texan.

texan mu kwara utux alang hani ga lhbaw ci ksli mu mita ru m'es calay lungan maku. talagay ci myasa utux alang Tayal hani, yani kwe alang ga aki ta l'un mlahang, iyat wahiy tya'ex yani kwani alang na Tayal, s'onaw ta kwara lungan ta mwah mlahang yani kwani myasa calay alang Tayal. aki wahan tkba kwara la'i ta Tayal, myasa calay alang Tayal ga nyu maki alang ta nanak kwara, iyat cyu maki alang tanux, sba'ay ta kwara la'i ta nanak, le'aw ta mlahang alang ta nanak.

(文章大意 僅供參考) ※字數限 200 字

美麗的部落

一個美麗的部落被環山包圍。剛進入部落的路兩旁豎立著人造水泥的護欄，水泥護欄畫著過去泰雅祖先的生活智慧，用來了解過去的生活。護欄外有著部落的田地和農地。部落中間有條水溝從部落上村延伸，一直流到部落下村。

一大早天剛亮時，婦女們手提著裝滿著家人髒衣服的臉盆和水桶，來到部落中的水溝洗衣服及刷牙洗臉，水溝水清澈乾淨，連各種魚類及毛蟹在水裡游來游去都看得一清二楚，好似在欣賞一副美麗的圖畫。